

讀史方輿紀要卷一百二十七

崑山顧祖禹景范輯著
南昌彭元瑞芸楣校定

錦里龍萬育燮堂校刊

川瀆四 淮水 漢水

禹貢言導九川孟夫子推禹抑洪水之功則第曰江
淮河漢此四大川者其亘千古而不易乎雖然漢合
於江者也今日之淮又合於河者也陵谷漸移平成
難冀吾又安知河之不獨為一川而淮且南注於江
乎為紀淮水

淮水出河南桐栢縣桐栢山

禹貢曰導淮自桐栢淮之源與古不異也或以為出

讀史方輿

卷一百二十七

川瀆四

一

敷文閣

自大復或以為出自胎簪夫大復胎簪之去桐栢也

僅矣何必求勝於古人耶 詳見禹貢山川

東流經信陽州北確山縣南又東歷羅山縣北真陽縣
南

淮水在信陽州城北四十五里魏人所云義陽差近

淮源者也 詳見信陽形勢 淮之北岸即確山縣境北去縣四

十里東流七十里至羅山縣境南去縣二十里淮之

北岸為真陽縣境北去縣八十里南北相爭淮流常

為衿要

又東經息縣南又東經光山縣北

淮水在息縣南五里東流三十里逕光山縣北南去縣八十里自汝潁而問途於江漢者光山其利涉之所矣

又東逕光州之北又東北流經固始縣北

淮水在光州城北六十七里又東北流百四十餘里

而經固始縣北南去縣七十里唐貞元十三年淮水溢於濠州蓋自縣境

北溢入淮西有事此為衿要之地蓋自固始而東可

以疾走壽春淮之北岸為江南潁州之界

又東北經潁州之南又東經霍邱縣北

淮水在潁州城南百三十里又東流十餘里汝水自

讀史方輿 卷一百二十七 川瀆四 二 敷文閣

河南境流入焉汝水詳見河南大川亦謂之淮口淮口南北相

爭時要口也淮之南岸即霍邱縣界南去縣三十里

又東經潁上縣南又東經壽州之北

淮水在潁上縣南三十里又東三十五里即東西正

陽鎮也東正陽屬壽州西正陽屬潁上縣夾淮據險為古來之津要

今商旅往來者皆輳集焉潁水亦自河南境流經此

入於淮潁水詳見河南大川謂之潁口蓋自北而南者潁口其

必爭之地矣又東六十里至壽州之北南去州城二

十五里肥水自南流入焉肥水詳見江南大川謂之肥口亦曰

肥口者淮南之喉吭戰守之樞機也立國於東南壽

州常爲重鎮豈非以肥潁二口濱淮環帶也哉

又東經淮遠縣南又東經鳳陽府北

淮水在懷遠縣南一里流經荆塗兩山之間荆塗兩山見懷

遠縣至縣城東稍折而北渦水亦自河南境流入焉水渦

詳見懷遠縣謂之渦口亦淮南津要也又東至鳳陽府北興

記自懷遠縣緣淮而東三十里曰半步潘又二十里曰長淮潘二十里曰十里潘又三十里而至鳳陽府

陸行則七十里而至矣南至府城十里濠州向爲淮南重鎮蓋

以長淮爲屏障也

又東北經臨淮縣北又東北經五河縣南

淮水自鳳陽府而東又折而北又二十餘里而經臨

讀史方輿 卷一百二十七 川瀆四 三 敷文閣

淮縣城北稍東曰新河口濠水自南流入焉濠水詳見鳳陽

府謂之濠口又東北八十里而經五河縣城東南一

里有會河沱河滌河澶河自縣西北次第流入焉俱見

五河與淮爲五河因謂之五河口也五河交會之處在縣城東二里

又東逕泗州城南盱眙縣北

淮水在泗州城南一里淮之南岸去盱眙縣城北二

里兩城相距凡七里自昔爲淮流衿束之處戰守所

必資也汴水自河南境流經泗城東而合於淮汴水詳河

南大亦謂之汴口宋時以此爲漕運要衝今惟涓流

可辨耳由泗城而東三十里龜山峙焉山見盱眙縣淮流

至此乃盤折而北又二十餘里而洪澤阜陵泥整萬

家諸湖環匯於淮之東岸淮水漲溢恒在於此泗州

逼淮而地下故侵陵之患每不能免也唐志貞元八年淮水溢沒

泗州城又宋志開寶七年淮水溢入泗州城咸平四年復溢天聖四年又溢景祐三年作外堤以衛淮水

高三十有三丈自是患稍弭歐陽修云泗州之患莫暴於淮是也元大德十一年淮水溢入南門深七尺

餘明正統十二年泗州水患尤劇蓋淮之患未有不首被於泗者

又東北經清河縣南而合於大河

淮水經清河縣南五里泗水自北流入焉泗水亦名清河詳江

南大謂之泗口亦曰清口自古為南北必爭之地今

黃河奪泗之流乃為黃淮交會之衝淮之南岸則運

讀史方輿 卷一百二十七 川瀆四 四 敷文閣 紀要

河流入焉所謂清江浦口也詳見運河淮河既受黃流之

委輸又為運渠之灌注勢不能安流以達海矣說者

曰淮河受汝潁肥濠渦沛諸大川及淮南七十二溪

之水以注於海水清流疾恒無壅決之患淮之患自

河合淮始也河自北而來河之身比淮為高故易以

遏淮淮自西而來淮之勢比清江浦又高河渠考泗州淮身視

清江浦高一丈有餘自高趨下勢常陡激是也故易以嚙運然而河不外飽

則淮不中潰惟并流而北其勢盛力且足以刷河淮

却流而南其勢殺河且乘之以潰運矣病淮必至於

病運者莫如河利河即所以利運者莫如淮黃運兩

河之樞機實自淮握之則今日之治淮乃治河治運之先務也然則何以治之曰吾亦以淮治淮而已夫淮之源流於禹貢時未有改也若欲駕其功於神禹之上則淮不治昔之淮東會於泗沂今之淮東會於大河會泗沂而治會河則不治者泗沂小於淮河大於淮也我不能使今日之大河如昔之泗沂乃欲使今日之淮更不如昔之淮則淮不治然則高厚其隄防使淮無所旁出修明平水之制使淮不至於漲溢

此陳平江之治淮所以二百年無事者與河渠攷

即治河通考明劉隅潘委

駟等輯

明隆慶四年淮決於高堰

即高家堰在淮安府西南四十里

河亦決於

讀史方輿

卷一百一十七

川瀆四

五

紀要

敷文閣

崔鎮

見前

漕臣王宗沐修塞之

宗沐決河記云是年

運趨

大澗口破寶應黃浦口入射陽湖清口遂於海口幾為平陸

萬歷三年高堰復

決於是山陽高寶興鹽諸處悉為巨浸黃水躡淮之後濁流西泝浸及鳳泗清口填淤海口亦復阻塞而

漕黃交病矣河臣潘季馴以為高堰淮揚之門戶而

黃淮之關鍵也欲導河以入海勢必藉淮以刷沙淮

水南決則濁流停滯清口亦湮河必決溢上流水行

平地而邳徐鳳泗不免皆為巨浸是淮病而黃病黃

病而漕亦病相因之勢也於是築高堰埝長八十里

起自武家墩

在高堰北十餘里

經大小澗

大澗在高堰南十二里又南五里即

小澗大澗口為衝決要處築歷阜陵湖湖在堰西南

石堤以護其口長數百丈周家橋北去高堰四十餘里

周家橋在局家橋南二十餘里翟壩在局家橋南二十餘里翟壩在局家橋南二十餘里

以捍淮之東侵又以淮水北岸有王簡張福二口淮

水每從此洩入黃河致淮水力分而清口淤淺且黃

水泛漲亦往往由此倒灌入淮於是并築堤捍之堤

清口西三里後議者又以東淮太迫於張福堤窪處

黃韶王簡二口置減水二閘淮溢則縱之外出黃溢

則遏其內侵王簡使淮無所出黃無所入於是全淮

畢趨清口會於大河以入海而河與漕俱治蓋高堰

之築始於漢末之陳登修治於明初之陳瑄而復於敷文閣

季馴云隆慶四年王宗沐修築高堰卑薄無所萬歷

二十一年淮復決於高良澗在淮安府西南七凡二

十二口旋築塞之明年黃水大漲清口沙墊阻遏淮

水不能東下於是挾上源阜陵諸湖與山谿之水暴

浸泗州陵州城湮沒是時科臣張企程言周家橋北

去高堰五十里其支河接草子湖在寶應縣西若浚

三十餘里一自金家灣在揚州府入芒稻河在揚州

里注之江一自子嬰溝在寶應縣入廣洋湖在寶應

五十里注之海則淮水洩矣武家墩南距高堰十五里

逼永濟河在淮安府西引水自窑灣閘出口即新河

讀史方輿 卷一百二十七 川瀆四 六

之直達涇河在寶應北四十里自射陽湖入海則淮之下流

有歸此急救祖陵之議也二十三年淮復決高家堰

高良澗諸處尋築塞之明年河臣楊一魁以黃淮衝

溢乃議分黃導淮闢清口沙七里達淮之經流建武

家墩涇河閘以洩淮之旁溢又建高良澗減水石閘

子嬰溝周家橋減水石閘一自岔河在新河南下涇河一

自草子湖寶應湖下子嬰溝俱通廣洋湖及射陽湖

入海猶慮淮水宣洩不及南注各湖為患又開高郵

西南之茆塘港在州西南六十里通邵伯湖開金家灣下芒

稻河入江以疏淮漲一魁所舉行大抵本於企程之說於是淮患漸

讀史方輿 卷一百二十七 川瀆四 七

紀要

敷文閣

平自是雖時有決溢而培固高堰增置壩閘之外無

所為治淮長策也兩河議兩河謂黃淮也見明季河工奏議曰高堰去寶應

高丈八尺有奇去高郵高二丈二尺有奇寶應堤去興化

泰州田高丈許或八九尺有奇去高堰不啻卑三丈有奇

矣昔人築堰使淮不南下而北趨者亦因勢而導之

不然淮一南下因三丈餘之地勢灌千里之平原安

得有淮南數郡縣儼然一都會耶萬歷二十一年淮

漫高堰堤上且數尺周家橋口原自通行又加決焉

決高良澗至七十餘丈南奔之勢若倒海高寶邵伯

諸湖堤一日崩者百十餘處於時泗城亦復灌溢而

所減之水不過尺許則以淮南之地自高寶而東則下由邵伯而南則有昂自興鹽以東濱海諸鹽場比內地亦復昂也泗州之地比高堰爲下與高寶諸州縣皆若釜底然安能免淮之浸哉雖然淮之浸河阻之也河之阻未必不仍自淮致之也高堰一帶修守不嚴奸商鹽販之徒無日不爲盜決計泗州之人未究利害之源但見高堰增築勢必且遏淮以入泗惟恐堰之不速潰也淮之旁流日多則淮之正流日弱於是刷沙無力而黃流益橫清口就淤勢不得不倒灌淮南決堤堰而敗城郭委運道於茫無畔岸中矣

讀史方輿紀要

卷一百二十七

川瀆四

八

敷文閣

於此時而議導淮導淮亦治標之一策耳善乎先哲之言曰禦黃如禦敵淮日退則黃日進論者若以導淮爲秘計而不察其爲弱淮之先徵也淮之患安有窮已耶

又東經淮安府城北又東經安東縣南而入於海

淮水自清口而東五十餘里而經淮安府北去城五里而近又東九十里經安東縣城南又東北五十餘里卽海口也黃淮並流勢盛流疾海潮若迎若遏互相回旋其地有四套五套六套之名蓋皆湍激所成也

謂之海套

勢益東北出西岸近海州雲梯關亦謂之雲

梯海口海口濶處幾十四五里或七八里安東而上
大約二三里此卽禹貢以來淮水入海之道也自桐
栢發源以達於海經流曲折幾二千餘里漢志淮水
出桐栢大
復山東至淮陵入海過郡四行三千二百
四十里郡四謂南陽汝南九江臨淮也潘季馴曰
淮黃相合淮得黃而力專黃得淮而流迅兩河相合
同趨中流此治淮卽以治河并卽以利漕之大機也

右淮河

漢水自梁而荆滙江入海或曰漢合於江自源而流
亦甚近矣似難與江河並列者也余曰以瀆言則曰
濟以水之大者言則曰漢孟子之爲義也大矣因紀

讀史方輿
紀要

卷一百二十七

川瀆四

九

敷文閣

漢水

漢水出陝西寧羌州嶓冢山

禹貢嶓冢導漾卽此山也水經以爲沔水出武都沮

縣東狼谷中

沮縣今陝
西畧陽縣

東南流注漢然則沔水特入

漢之小水耳乃言沔水之源而不詳漢所自出舛矣

酈道元以爲沔水一名沮水東南流會於沔同爲漢

水之源說者謂漢有二源理或然矣

隴東之山皆嶓
冢狼谷亦嶓冢

之支裔耳今畧陽縣東南
有分水嶺或以爲卽狼谷

陆游曰嘗登嶓冢山有泉
涓涓出山間是爲漢水之源孔氏曰泉始出山爲漾

非卽此水歟

東流經沔縣南又東經褒城縣南

漢水在沔縣南十里孔氏曰漢上口沔縣以水名也

又東南流經褒城縣南四里而東入南鄭縣界

又東南經漢中府城南又東經城固縣南

漢水在漢中府城南三里又東經城固縣南五里志

云漢水自褒城而東曲折環流為郡邑之衿帶

又東經洋縣南又東北經西鄉縣北

漢水在洋縣南一里志云漢在縣境中者多灘瀨之

險自是而東水勢漸盛流漸濶又東經西鄉縣北而

洋水會諸小水流合焉漫衍幾里許南北朝時沿流

讀史方輿

卷一百二十七

川瀆四

十

敷文閣

紀要
置戍因以為險

又東北流經石泉縣南折而南流經漢陰縣西又南經

紫陽縣城西復折而東北流經漢陰縣之南

漢水在石泉縣城南縣屹峙漢濱稱為津要經縣東

五六里復折而南流經漢陰縣西境又南至紫陽城

西五里復折而東經城南又東北流出漢陰南境志云

漢水北去漢水北去而南入興安州界蓋石泉以東南皆大山盤

阻漢江回繞而出也輿程記自洋縣九十里地名廟

上陸行三十里水行九十里皆

云極險所至處名渭門又一百八十里而至石泉縣

又一百八十里至馬家營又百里至紫陽縣又二十

里至中沙壩又十里地名耳河又六十里至小河道

又百九十里至興安州自洋縣至興安州回曲幾及

下里恐迂遠不至
此今存以俟考

又東北經興安州北又東北經洵陽縣南又東南經白河縣北湖廣上津縣之南

漢水在興安州城北四里為州境之衿帶漢川有事

州其中流之會也又東百二十里而經洵陽縣城南

輿程記州東九十里至黎家口又東三十里至洵陽縣洵水自北流入焉謂之

洵口又東南流經白河縣北南去縣二里輿程記洵

十里至樹河關又百里至夾河關又四十里而至白河縣北去湖廣上津縣百二

十里江口鎮在焉即漢濱渡口也上津在白河縣西

於白河之後者
上津去漢遠也

讀史方輿 卷一百二十七 川瀆四 十一 敷文閣

又東經竹山縣北鄖西縣南

漢水自上津縣而東經竹山縣北境南去縣百餘里

縣境諸水皆流入焉又東流經鄖西縣南五十里而

入鄖縣境漢江經此為荆梁雍豫四州之間道里綿

渺山川阻深多伏戎之患

又東南經鄖陽府城南又東經均州北

漢水自鄖西縣東南流二百四十里而經鄖陽府城

南府北通宛洛西走金商沔北之要地也東北流百

八十里而經均州北志云漢江南去州城四十里州翼蔽襄樊恃

漢水為形勝云唐長慶四年襄均復鄖四州漢水溢決開成三年江漢漲溢懷房均荆襄

等州民居及田產殆盡會昌元年漢水壞襄均等州民居甚衆宋時均襄亦多水患益漢水至均州而流益盛也

又東南經光化縣北又東南經穀城縣東

漢水自均州東南流一百五十里而至光化縣城北

輿程記自均州九十里至小江口又六十里至光化縣又東南流五十里而至

穀城縣境志云漢江西去穀城二十五里輿程記光化東南九十里曰紫店岡又九十里即襄陽府穀城在府西

均水自北流入焉謂之均口亦襄陽府穀城在府西為漢水必經之地

鄭間之要地也

又東經襄陽府城北又東南經宜城縣東

漢水在襄陽府城北漢江北岸即古樊城也夾江對

讀史方輿 卷一百二十七 川瀆四 三 敷文閣 紀要

峙為古今之形勝南北之腰膂有事戰守者必資於

此漢建安中關羽圍于禁於樊城會沔水泛溢三丈

有餘羽乘水急擊遂克之自古襄陽倚樊城為固而

樊城恃漢水為險也志云漢水重濁與大河相似襄

陽實當其衝為患最劇自唐以來皆築堤遠城以防

潰決故有襄陽大堤之稱明正統嘉靖間兩被漂溺

皆以大堤廢損故也惟修築舊址倍高且厚襄城庶

恃以無恐自襄陽以下漢水益折而南凡百二十里

而經宜城縣東漢水西去縣四里又南入安陸府界

又南經安陸府城西又南逕荆門州東

漢水自宜城縣南流凡百七十里而至安陸府城西
府控臨津流爲南北衝要江河有事此亦必爭之地
也而濁流嚙決最爲可虞嘉靖末曾被其患不可不
預爲備嘉靖四十四年府境支河盡塞而下流竹筒
河復淤下滯上圯漂溺不可勝紀竹筒河在
沔陽州又南流四十里而經荊門州東境州東去漢
水八十餘
里漢江至此復漸折而東矣

又東南經潛江縣北又東經景陵縣南沔陽州北

漢水在潛江縣西北四十里又東南經縣北而入景
陵縣境北去縣百里南接沔陽州亦百餘里志曰漢
水由荊門州界折而東大小羣川咸匯焉勢盛流濁

讀史方輿

卷一百二十七

川瀆四

三

敷文閣

浸淫蕩決爲患無已而潛江地居汙下遂爲衆水之
壑一望瀰漫無復涯際漢水經其間重湖浩淼經流
支川不可辨也蓋漢水爲湖北之害而襄郢二州爲
甚潛江又承襄郢之委流當漢江曲折回合之處瀦
爲大澤勢不能免矣而景陵沔陽又潛江之委流也
今沔陽四境惟湖陂連亘幾數百里皆爲漢水所匯
蓋漢水性曲往往十里九灣語曰勁莫如濟曲莫如
漢郢沔之間波流回盪自必瀦爲藪澤小民見填淤
之利復從而隄防之爲民牧者又不講於節宣疏瀹
之理歲月之間苟幸無事大水時至則委之洪濤中

耳童承敘

明人撰沔陽州志

曰漢水至濁與江湖水合其流

必澄故常填淤而阻澤之區因成沃壤民漸芟剔墾為阡陌又因其地之高下修隄防以障之大者輪廣數十里小者十餘里謂之曰垵其不可隄者悉弃為萊蕪昔時垵必有長統丁夫主修葺其後法久弊滋修不以時垵愈多水愈迫客堤益高主堤益卑故水至不得寬緩湍怒迅急勢必衝囓主堤先受其害客堤隨之泛濫洶湧悉為巨浸矣○考均州以上漢水發源未遠故潰決常少漢川以下漢水入江已近故橫溢鮮聞惟襄陽以迄於沔陽上流既遠而眾流日

讀史方輿

紀要

卷一百二十七

川瀆四

古

敷文閣

益入江尚遙而地勢愈卑漢水泛濫其中如潰癰然不可不察其病而圖其方矣又天下之水大河而外重濁而善決者在北則漳與沁又桑乾滹沱兩河經太行而東出自高趨下流濁勢急故潰決亦常見在南則漢漳附衛入海而後漳水之決少漢附江入海而後漢水之決少沁本濁而又并入於河故河之決最多或謂河合於淮藉淮以刷河而河庶幾可治然淮終非河敵也又安能使河之不至於決哉

又東經漢川縣南又東經漢陽府城東北合於大江

漢水在漢川縣西南十里又東南流百六十里至漢

陽府城北五里又東南經大別山北而南入於江謂之漢口亦曰沔口亦曰夏口爲自古噤喉之地談東南形勝者必以夏口爲首也詳見湖廣重險夏口夏口東岸卽是武昌府自昔置重鎮於此豈非以險要所在控扼不可或疎也哉蔡氏曰禹貢言江漢朝宗於海明乎江漢二川勢均力敵非有主客先後之分矣自嶓冢發源以達於江經流曲折凡三千餘里漢志云沮水出沮縣東狼谷南至沙羨南入江過郡五行四千里郡五謂武都漢中南陽南郡江夏也漢水實南紀之雄矣

右漢水

讀史方輿紀要

卷一百二十七

川瀆四

十五

敷文閣

讀史方輿紀要卷一百二十七終